

異難痘症門

邦字手抄

全氏痘疹秘錄

丑集



丑集

全氏家藏痘疹秘錄

部

字
抄

全氏家藏痘疹秘錄卷二異難痘症門 目錄

袁氏痘前十八犯

一犯猿猴跳鎖

二犯觀音拂座

三犯馬馳劍道

四犯一葦航海

五犯三仙入洞

六犯倒掛銀瓶

七犯霜橋仰道

八犯蓮池踏水

九犯石鼓陰鳴

十犯赤澤栽蓮

十一犯巖頭走馬

十二犯逐鹿亡羊

十三犯推車過害

十四犯霜逐梧桐

十五犯倦龍行雨

十六犯秋蟬泣霜

十七犯凍鱗出谷

十八犯浪裏漁舟

面部吉凶論

怪痘小引

鴉翎痘論

化癍湯

四仙散

穀瘡痘論

血齙痘論

蒙頭痘圖論

雙解散

清震湯

救急危命湯

覆釜痘圖論

清熱散

懸磬痘圖論

鬼痘圖論

加味升麻湯

蓋面痘圖論

雲掩天庭痘圖論

化毒湯

二寔散

涼血湯

抱髮痘圖論

全氏解毒涼血湯

蒙靨痘圖論

全氏元參湯

胭脂膏

海枯海溢痘論

乘珠痘圖論

鎖眼痘圖論

清熱解毒湯

全氏平肝清脾散

抱鼻痘圖論

黃連解毒湯

瀉黃散

破黃痘論

鎖口痘圖論

鎖各鉄各痘論

導赤散

鷺口痘論

托腮痘圖論

鎖項痘圖論

全氏利咽解毒湯

盤蛇痘論

披肩痘圖論

全氏清肺飲

補中益氣湯

掩月痘圖論

清熱散

導赤清肺湯

攢胸痘圖論

烏沙痘論

蝎子痘論

全氏平肝湯

蟹蟄痘痘圖論

聚背痘圖論

梅花痘論

斷橋痘圖論

人參歸芪湯

纏腰痘圖論

四空痘圖論

加味瀉黃散

全氏健脾湯

四寔痘圖論

卷阿痘論

囊腹痘圖論

升麻飲

鱗坐痘圖論

玉紅膏

鎖肛痘圖論

囊球痘圖論

全氏解毒湯

元壠痘論

托膝痘圖論

無根痘圖論

快痲越脾湯

蛇皮痘圖論

托裏解毒湯

蚤種痘圖論

燕窩痘圖論

鼠跡痘圖論

憂錢痘圖論

環珠痘圖論

蟹爪痘論

蘇沙痘論 附歪斜痘

痘母論

真人解毒湯

浮萍痘論

血泡痘論

血痘論

紫泡痘論

水泡痘論

升漿托裏散

保元四苓散

芫荽酒

鋪紅痘論

九味神效散

血絲痘論

根窠無暈痘論

芎歸保元湯

皮薄漿嫩痘論

益氣合四物湯

空壳無漿痘論

千金內托散

加味四物湯

痘頂癰陷論

板黃痘論

清毒活血湯

乾枯痘論

加味當歸活血湯

肉腫痘不腫論

白漿痘論

逆痘論

痘痘論

鬼櫻痘論

九焦痘論

滿水痘論

保元湯

水晶痘論

參歸鹿茸湯

半邊痘論

吳茱萸痘論

內托散

石凹痘論

木痘論

蟲痘論

增痘論

禱札痘論

賊痘論

痘疔論

四聖膏

捲簾疔論

燕窩疔論

消毒飲

火珠疔論

馮金湯

妄汲疔論

秦虎疔論

注命疔論

驪含疔論

透腸疔論

認疔治疔論法

三聖散丹

懸蹄散

六聖散

千槌膏

拔疔膏

全氏解疔湯

大紅粉

全氏家藏痘疹秘錄 丑集異難痘症門

第一犯猿猴跳鎖

凡痘^兒未痘之前先受風寒感冒身燒如烙頭疼目汗咳嗽不已或傷寒之後而痘隨之出者則元氣囂滿須急疎風解熱補血滋陰調元固表也 訣曰一犯傷寒勢欲危醫須斟酌痘無虧治病柔中兼顧痘雙管齊下遵舊規

乘六曰小兒乃稚陽之體最易傷寒但須察其病情為要若病在表或傳裏在表者仍宜汗解也蓋痘初出之時汗亦不忌若病傳裏而成下症者必須斟酌不可鹵莽過劑也

第二犯觀音佛座

凡兒飲食不克樽節暑濕不能護養是以脾胃損傷頻多泄瀉
飲食懶殮肢體羸瘦其病未愈而痘隨出者則脾胃靈津耗元
氣衰弱治宜溫養脾元補益中氣則痘可起脹成膿而結實矣
訣曰瀉後俄然痘症臨脾元虛損勢沉沉急宜培元土將
元益冷棄毫釐不可吞

第三犯馬馳劍道

凡兒飲食寒暑不能樽節是以瘡疾纏身寒熱消燥肌肉漸瘦
其病未愈而痘隨出者常山草葉斷不可用宜用人參白朮茯
苓以扶正氣可也

訣曰小兒瘡疾痘相侵元氣驚滿不可

聞草葉柴胡俱宜去滋陰補衛效通神

第四犯一筆航海

凡兒元氣薄弱身發大熱口渴咳嗽疹出未愈而痘隨出者此與尋常先疹後痘者不同凡先痘後疹者為逆先疹後痘者為順然此身弱發熱咳嗽口渴繼又出痘疹而痘隨出其勢頗危須急補陰清肺養胃扶脾但黃芪補脾之品脾切不可用

訣曰小兒出疹太陰虛痘症隨出毒尅脾急宜清金培脾土若用黃芪咳嗽甚

第五犯三仙入洞

凡兒平日常患疳疾肚大青筋四肢羸瘦變成丁奚忽然身燒而出痘者總以治痘為主不可兼治疳疾

訣曰丁美疔疾痘又臨且把花來發透神切忌消磨并冷菓
栝榔厚朴及連苓

黃連黃苓

第六犯倒掛銀瓶

凡兒風寒滕塞毛竅時發大燒自頭及身疔瘤遍体其愈未幾
而痘隨出者宜用犀角生地丹皮之類以清心肝二經之熱

訣曰疔瘤未愈痘隨出形醫須注意心肝經最怕暈紅根屋燒

解毒祛火痘方明

第七犯霜橋仰逆

凡兒身發大熱臉面紅赤眼睛直視手足搐抽驚悸厥逆口燥
謔語愈不數日而痘隨出者此與尋常先驚後痘不同蓋驚因

痘起是從心經而發不過微微驚陽耳此則其驚已甚仍以治痘為主而鎮心涼臟之品皆不可投

訣曰驚厥新痊痘症臨味砂金石皆莫吞若還見點驚未止

看意升提用栽培

第八犯藕池踏水

凡兒身熱自汗口中咯血或鼻衄瀉血愈不數日而痘見形者此心官失守致血妄行宜用清心抑火之味切不可過涼也

用寒

訣曰諸熱皆由熱犯心清心抑火是金針休要輕用寒涼劑
寒涼過分痘變悶

第九犯石鼓陰鳴

凡兒未痘之前身發大熱飲食懶飧肚腹膨脹眼泡浮腫睡卧不安未數日而痘隨出者急宜補脾理氣為主

訣曰腹中膨脹不思飧氣阻脾虛痘必難急宜補脾調氣血更加升表自然安

第十犯赤澤栽蓮

凡兒身發大熱自汗不止眼目昏花呵欠啼叫其症方愈而痘又出者急宜斂汗而用黃芪熬人乳頻頻飲之更助以調榮益衛之味尤妙

訣曰汗流惡熱已亡元痘犯心肝不全急補心肝並斂汗

痘如灌膿自安自然安可免災

第十一犯巖頭走馬

凡兒忽然跌撲損傷榮血不數日而痘即見者治宜補血活血為主兼佐以扶脾益氣之味。

凡兒跌撲損傷未愈時其中透出好花枝安甦活血調脾脈自得羣花朵朵奇。

第十二犯逐鹿亡羊

凡兒往來寒熱腹內痞滿成塊日積月累身體羸瘦面黃力弱而痘隨出者不宜治痞仍以治痘為主。痘愈後再治痞塊。

訣曰病痞痘出宜補元扶脾益胃莫遲延尤須治痘培根本何怕花兒命不全。

第十三犯推車陷雪

凡兒稟受父母胎毒或患楊梅毒瘡不時寒熱其症未愈而痘
隨出者將何所治也

訣曰惡瘡未愈出天花當用升麻葉不差莫將用連老諸敗毒
誤行燻點費周折

第十四犯霜逆梧桐

凡兒身如火烙不時嘔吐不能飲食病類時氣而痘隨出者將
何所治

訣曰嘔吐驚慌胃不和忽然天花又相磨治宜安胃兼升表
自得成功樂事多

第十五犯溼龍行雨

凡兒飲食不節致傷脾胃四肢不收發熱惡寒而痘隨出者將何所治。

訣曰兒傷飲食正逢災痘從陽明胃來裏治宜內消兼補胃更加升表花自開。

第十六犯秋蟬泣霜

凡兒未痘之前因感濕熱之氣乃患赤白痢疾其症未愈而痘隨出者將何所治。

訣曰痢疾治宜除濕熱更加培土和氣血還須表痘復滋花根本調雖災自滅。

第十七犯凍鱗出谷

凡兒誤持刀刃致傷手足寒熱往來其病未愈而痘隨出者將何所治

訣曰金瘡未愈痘來呈活血還兼開滯凝更要升花宜透表扶持頂峻自安甯

第十八犯浪裏漁舟

凡兒每見發驚而厥或風癩未愈而痘隨出者將何所治

訣曰風癩正苦痘來惟只犯花苗着意培灌得來花朵朵不愁風雨折根蒂

面 部 老 凶 圖



看痘要訣

一三上下皆

吉道如單挾

處不須憂

三五相連恐

不吉四六排

牽定然凶

必須熟記

面部吉凶論

全鑑面為諸陽聚會之所其部位各有所屬欲識瘥之吉凶須
按部位驗之則立判矣如額屬心部自印堂以上髮際以下至
日月兩角先見點先作漿先收靨者惡候也以心為君火主義不
受邪先見於本位者乃毒發於心故非吉兆也左頰屬肝右頰
屬肺兩頰先見紅點磊落分明者吉如相聚成塊地界不清而
體腫硬者凶蓋肝藏魂肺藏魄惡毒侵犯魂魄將離安望其有
生意乎頰下屬腎自承漿以自至兩頤先見點先灌漿先靨者吉
誠以此部雖係腎位而三陰三陽之脈皆聚於此先發先灌先
靨者乃陰陽和暢故可治也至若鼻屬脾臟位居中央所最忌

者準頭先出與先靨也。蓋脾土榮養於四臟，若毒先發於脾，是脾敗也。脾敗則四臟亦隨之而敗，即纏綿時日，亦不過苟延性命而已矣。耳為腎竅，又少陽相火之脈行耳前後，故耳輪先見紅點者，乃毒火燔灼，難以撲滅，非吉象也。最可喜者，口唇四圍先出先灌，先靨者以陽明之脈循口環唇，胃與大腸主之多氣多血之處，無物不受，故吉也。此臟腑部位之要，須詳察於平時，庶能權變於臨症也。

怪痘小引

怪異之痘，非所常有，但一遇目莫知措置，豈不誤人性命哉！余遍閱方書，謹輯怪異之痘數十條，繪其圖論其症，後錄治方以

備採擇廢乎臨症之時雖有所據矣

按此書中並未見有一圖而上文繪其圖句從何而來或者當時有圖後人抄寫遺失亦未可知余故於其無圖之處按照各症而繪補之其有未繪者蓋因形色難明故也願俟諸來者就正焉可

李邦字繪識

鴉翎痘論

一名蟬草雲衢

痘出遍身俱見黑色雖黑而先潤明亮圓頂峻行漿漸黃而有神乃天元足而壬癸充得之必主大貴狀元圖中載之以化癩湯浴於外內服四仙散自然色變紅活矣

化癩湯

忍冬藤

薄荷

荊芥

蒼耳草

以上四味濃煎去

渣將頭髮滾水洗去油垢圍成一團蘸湯徐徐浴之

四仙散 甘草紫草與通草三般等分最可寶黃連連壳與石

蓮三味合併微火炒研末唯在空心服白湯調下晝時好

穀痘論

痘出碎小稠密其色與皮膚一般極其明潤精神飲食二便與

好人相同至五六日不起脹不成膿頂焦而靨此痘最吉

不須服藥

血痘論

痘出稀少四五日起脹尖圓六七日血靨痂乾色似丹砂九日

落痂此氣足毒少不及釀膿此痘最佳百無一二不須服藥

蒙頭痘圖論



蒙頭者頭為諸陽之首毒
泰陽位之惡症也其症有
三初起時頭上稠密無縫

是為蒙頭若稍分界隙者有個數猶有生机若發熱時頭面紅
腫遍身無形亦為蒙頭須用芩連枝柏倍加大黃以瀉其毒從
大便瀉出紫黑血塊然後發表俟眾痘出齊而清涼到底或可
於死中求生也又有痘靨後頭部腫如發熱按之有坑亦為蒙
頭須解上焦之毒加牛膝以下引其邪熱若無別症猶可保全
倘或喘急無神手足厥冷者必難救治

萬氏曰痘發熱時頭面先腫者名曰大頭風急用雙解散治之

摘錦曰治蒙頭法當未見點時頭面先腫者速用救急危命湯
乘六日蒙頭症不論痘前痘後腫形如瓠者俱不可治痘後蒙
頭必先從兩鬢發起漸至巔頂須於鬢腫之時用磁針刺破出
血以消為度內服連壳牛子元參芥穗當歸牛膝黃芩酒炒防風
石菖桔梗銀花丹皮薄荷甘草茅葉連服可愈但在初腫之時
治之多效若延遲日久腫如發麩項間亦腫者多不可救此症
最多又云初發熱時頭面先腫者以大頭風治之清震湯最妙
曾治一子痘犯蒙頭却頗分界隙身上痘色紅潤不燥以治痘
藥中加防風以散上焦之熱痂落而愈

雙解散

防風

芥穗

連壳

甘草

桔梗

黃芩

芥

酒炒 牛子

赤芍

薄荷

當歸歸

川芎

石羔

牛子

花粉

白朮炒

麻黃

夏月易紫蘇

大便不通唇烈作渴加酒炒大黃芒硝枳實木通

紫草茸

桃仁去白朮水煎服

救急危命湯

酒黃連

酒黃芩

酒枝子

酒黃柏各二

芥穗

元參

木通

牛膝者一

當歸酒炒

紫草茸

各二酒炒

清裏湯

荷葉一箇

升麻

蒼朮

米泔水泡炒

水煎服

覆釜痘圖論



痘初出時頂顛上攢簇

疔成如覆釜其人嘔吐頭

疼故名曰覆釜痘此毒

火上攻於諸陽聚會之處宜服清熱湯

清熱湯 紫草 骨皮各三升麻 赤芍 蟬退 黃連 牛子

木通 水煎服

乘六日覆釜痘與蒙頭痘俱係毒聚陽位之候也但覆釜痘形勢小耳以蒙頭痘治法亦可 余治一兒三歲出痘頭項攢簇

如碗口大顏色深紅而帶紫滯板實結硬週身之痘雖稍分顆

粒而色亦如之更兼大渴飲水煩燥不甯妄言妄語身如火烙

先用磁針刺破當頂結硬之處內用山查二兩赤芍 生地各五本

生石膏 丹皮各三川芎 防風 芥穗 紅花 連壳

紫草 甘草 大黃酒炒 自四朝服至五朝連服四服痘色

稍活瘡頂漸起而煩燥大渴之症皆愈至六朝減大黃又服三劑而色更活頂更起七日又減山查生地赤芍改用三個右美丹皮只用半加麥冬花粉桔梗服至八朝膿成七分九朝又用一服而瘡已回漿漸至收靨又用連克牛子銀花解毒收功

懸磬瘡圖論 與覆釜瘡同治




其瘡出於玉枕之間圍聚成塊結硬滯板最為凶險蓋此處係腦戶穴而筋所聚

也聚會之所也

鬼瘡圖論

與首卷怪變鬼不同一名無頭瘡



痘標既放手足胸背俱多
而頭面全無週身稀疏名

曰鬼痘蓋因毒氣阻滯氣血不能上升之故急服加味升麻湯

治之 邦字膏治一咒用加味升麻湯重用山查八麦芽神曲

各三錢炒一服而頭面見點再劑色活起發減山查只用五

錢數日而愈又服一劑起脹灌漿改用調氣活血之味而愈

蓋面痘圖論



他處俱稀疏惟頭面上畧如蠶種
無絲毫空處名曰蓋面痘十發十
死萬無一生不須治之若痘出稠密

稍有地界者又當別論

雲掩天庭痘圖論



痘出遍身磊落光明紅活起錠惟
天庭一片紅泡如雲頭樣乃心家
熱毒太盛所致也宜服化毒湯磨

犀角汁服之或二寔散更核

化毒湯 黃連二防風 牛子 連老 荊芥 桔梗 不用

引另磨犀角汁半盞冲服

二寔散 犀角 玳瑁 二味磨汁服治內熱最速

乘六曰天庭不起與痘痂不落者俱屬險候如頭面痘瘡不起穎

者不。治瘰癧應用藥中加蟬退頭六七個不落痂者用蜂蜜塗之
 即落。余治一兒天庭之瘰癧堆聚成丘色紫不活用涼血解毒
 湯之劑加蟬退頭服三劑而色變頭面攢聚亦起故附於後。

涼血解毒湯

生地

酒炒

紫草

丹皮

山查

紅花

赤芍

木通

甘草

連壳

芥穗

加蟬退頭

七個

水煎服

抱鬚瘰癧圖論



鬚接太陽惡毒伏結於此者

最為險候若兩鬚瘰癧形稀疎

而掀腫如蓮花瓣者毒根方透者可治否則即通身先壯毒根

猶伏厥後終敗宜用解毒涼血湯治之

全氏解毒涼血湯 連壳 紫草 生地酒炒 丹皮 紅花 小查

赤芍 芥穗 皇生青皮 甘草 水煎服 大便秘加大黃

蒙胤痘圖論 附海枯海溢乘珠痘



痘穎攢聚於耳後高骨名曰蒙胤腎經伏毒之惡症也最為凶候外用胭脂膏塗之內服解毒

之劑凡遇痘苗攢簇成片者俱宜用胭脂膏塗可也

全氏治一子痘犯蒙胤用元參解毒湯加減治之而愈

全氏元參解毒湯 元參 知母 黃柏切 芥穗 生地酒炒

丹皮 紅花 連壳 甘草 水煎服

胭脂膏 用麻黃煎濃去滓以綿胭脂於湯內揉出紅汁入雄

黃末調勻是也

海枯瘰論

頭面週身之瘰皆起脹惟耳後方圓一寸獨不起脹乃腎氣衰
敗也之象名曰星宿海枯為不治之症 邦字治一人年二十歲瘰

犯海枯餘無他症飲食頗佳二故便照常服用大劑金匱腎氣
去者卷澤瀉 湯枸杞一夜加鹿茸燕窩一日三服連服六服漸漸起脹而愈

海溢瘰論

頭面週身之瘰皆不起脹惟耳後方圓一寸獨起者乃腎氣旺
也名曰星宿海溢又曰草尾珠可治

乘珠痘圖論



兩耳屬腎腎部最忌伏毒
今痘出耳輪之上連綿如
串珠乾黑不起者名曰乘
珠痘此毒氣傷腎太重萬

無一生。乘六日耳上及目前後方圓寸許未靨時而先乾者
凶耳輪先乾名為繡耳大凶之候若耳上明潤者吉此法驗之準也

鎖眼痘圖論



兩眼週圍稠密無縫名曰鎖
眼乃熱毒太盛而傷於脾經
也兩服清熱解毒湯外用眼

脂膏貼之 余治一子痘犯鎖眼細思眼胞屬脾目為肝竅宜

以肝脾二經為主治並以治痘藥中量加他藥遂製平肝清脾

散服之而愈 清熱解毒湯 芥穗 紅花 蟬退 生地酒炒

木通 牛子 丹皮 青皮 山查 滑石 車前 前胡

地丁 黃連 灯心引

全氏平肝清脾湯 白扁豆 菊花 防風 石羔 龍胆草

柴胡 芥穗 連老 桂梗 川菟 甘草 不用引

抱鼻痘圖論

面部俱稀而鼻



之左右容如蚕種者此毒氣聚

於脾胃也其症多危若得

形色如常餘部俱順亦可以

斟酌而治之宜用黃連解毒湯方列後

黃連酒炒 黃柏蜜炙 黃芩酒炒 枝子 銀花 生地酒炒 丹皮 連翹

甘草 不用引 乘六曰鼻位中央屬土而痘聚於此者脾

毒太盛宜用瀉黃散加減治之若魚鼻孔稠密乃脾胃二經

之熱也加入麥冬杏仁治之

瀉黃散 麝香 枝子 防風 生石羔 甘草 灯心引

破黃痘論

其痘人中一粒比眾痘獨大痘雖稀朗至五七日或十一二日

傳經時必瀉而死不可救治

鎖口痘圖論 一名赤珠鏡唇附鎖唇鉄唇鸞口痘於此



發熱一日或不發熱從口外角出痘一枚較諸痘獨大板硬無盤名為單鎖口兩口角各出一痘名為雙鎖口又有口之上下連串環繞亦為鎖口又曰鎖井

毒伏於脾故有是症也急用磁針刺破痘之四邊吮出惡血則眾痘即出宜內服瀉黃散以清脾熱或可無慮若不急治則板硬之痘必成疔毒美致兒吐瀉不食不能救矣

瀉黃散

犀角

磨汁

黃連

酒炒

生地

酒炒

青皮

木通

生石五

井皮

芥穗

牛子

大黃

酒炒

紅花

地疔

灯心引

鎖唇鉄唇痘論

唇上出痘較諸痘獨大板硬無盤名曰鎖唇治法與鎖口同又有嘴角強硬腫脹如鉄名曰鉄唇乃心肝二經之挹結而成也以磁針刺口唇之稜少出紫血外用蜂蜜塗之內服瀉黃散合道赤散治之

灯心引

導赤散

生地

木通

甘草

灯心竹葉引

鸞口痘論

鸞口者痘正起發時唇口痘先黃熟而帶漿是也此毒發於脾後必吐瀉而死 乘六曰唇紅者不可輕用針刺恐流^血不止也面上顴骨之際與顴骨等處皆不可輕刺又曰唇上出痘色紫及唇破爛者胃爛也不治

托腮痘圖論



兩腮各有一處成攢赤如胭脂是為托腮清氣為其所阻頭面必不能起而身上更不起發外用胭脂封貼內服解毒涼血湯服藥後紅赤漸

退庶有生机若痒癢孤破黑陷乾枯多難救治

全氏解毒涼血湯 連壳 紫草 生地酒炒 丹皮 紅花 山查

赤芍 芥穗 生石膏 青皮 甘草 灯心引

鎖項痘圖論

項乃水穀之路呼吸之門咽喉之管籥也最為要地痘聚於此

後必音啞食噎飲食不進而成不救之症矣急以利咽解毒治之



乘六日一兕喉間出痘堆積成片

痘色紅紫身如火烙服利咽解毒

湯四劑項下痘起色轉紅活又用

生漿排膿之藥調理八九日而愈

全氏利咽解毒湯元參 桔梗 射干 牛子 麥冬 防風

芥穗 連壳 甘草 加減法痘色乾掌紅者加酒炒生地丹皮

紅花 山查 掌草 疫盛加陳皮姜蚕半夏半夏性燥四日前可暫用火成忌之

痢疾少加牛黃或胆星牛胆星與半夏行漿時忌之

盤蛇痘論

此痘毒火鬱於肺絡頸項之間連串圍繞形如瘰癧其病疫涎
上湧目赤發渴宜服升麻飲治之

乘六日盤蛇痘橫盤於頸項之間恐咽喉為毒所致也治法與

鎖項同 升麻飲 蟬退 升麻 赤芍 當歸 牛子 桔梗 水煎

披肩痘圖論



痘色紫滯而暗攢聚兩肩名曰披

肩蓋肩乃肺腧穴處部位屬肺真

氣之所聚也今痘聚於此毒鬱肺

經氣分不暢何望週身之痘起脹

乎急用磁針刺破出其毒血內服清肺飲加減治之

全氏清肺飲 沙參 貝母 杏仁 麥冬 陳皮 炙兜鈴

紫蘇 芥穗 天冬 石膏 甘草 又方因其色滯加生

地丹皮紫草紅花翻白草 水煎服

乘六治拳痘出四朝痘犯披肩攢簇結硬色帶紫滯煩燥不寧身
如火烙大喘不止乃痘毒鬱於肺經也用磁針刺破攢簇而血流不者
是氣滯不能統血也宜服補中益氣湯而血遂止雖痘色紅紫亦宜用之
但痘犯披肩全活者甚少 補中益氣湯 炙黃芪 人參 陳皮

白朮 當歸身 升麻 柴胡 炙草 生姜 大棗 引

掩月痘圖論

小兒發熱衆痘未出惟於兩腋窩中攢聚十五六粒若潛若見不得共

圓其兒兩手覺其疼痛口吐涎沫臉赤惡熱名為掩月痘乃毒結陽明
胃經故先於兩腋窩中見形也不可針刺宜服清熱散衆痘自出矣

清熱散 紫草 骨皮 蟬退 赤芍 升麻 牛子 木通

黃連 水煎 乘六曰上方加紫蘇防風芥穗川羌發表



之可也其中黃連大寒又無

辛散之味以佐之恐有冰伏

之患身蓋痘標未^止完^止只宜發表之時而大苦大寒何可輕用投

邪乎按 治一小兒五歲時出痘痘犯掩月用清熱散原方調

服小金丹每服一丸三服三九日夜三服次日兩腋下之痘

色轉紅活漸漸起脹而頭面週身^亦依次出矣^{調理}十四日收功

攢胸痘圖論



胸膈乃心肺二經之部位最喜
 稀疎不宜稠密痘粟於此恐
 惡毒內攻也急以導赤清肺湯治之

如週身尖突紅活光潤者猶有生机否則難治

導赤清肺湯 生地 木通 枝子 荊芥 桔梗 紫蘇 川貝 石羔 生元參

酒炒黃芩 陳皮 牛子 麻苧 薄荷 甘草 灯心 竹葉引

烏沙痘圖論



痘出一身盡光明紅潤惟胸前一
 疔黑陷伏而不起乃因血枯氣滯

不能光華起脹是熱毒內灼必咬牙寒戰唇焦口烈而死

蝎子痘圖論



小兒發熱痘未見形而左乳上或右肋發
出一粒顆大如豆四畔圍小珠者其名爲蝎
子痘發在肝經其兒乾嘔煩燥嘔吐不安

速用磁針刺破再用黃酒甘草水和蟾酥二厘服之則遍身皆出

乘六日毒發於肝宜解肝毒平肝湯是也 全氏平肝湯 青皮

胆草 柴胡 羌 枝子 芥穗 紅花 丹皮 生地酒炒 防風 甘草

梅花痘論

初出時遍身之痘色俱紅活惟背上一片其色灰白塌陷平伏不起鈞

六七顆粒叢集一堆當起不起必至氣散神離而死

聚背痘圖論



出痘之兒後心一塊堆聚成疔根窠紫

赤名曰聚背然五臟皆係於背痘聚於

此易傷臟腑故為惡症宜內服解毒涼血湯外用胭脂膏貼之亦死中求生耳

全氏解毒涼血湯

連壳 紫草

生地

丹皮

紅花

玄菘

赤芍

芥穗

生石羔

青皮

甘草

加減法大便秘加大黃

醫螟瘟痘圖論



黃西丘曰遍身上下痘


出稠密不分地界惟

胸腹之間不見一粒有

似蟻蟻形狀名為蟻蟻瘡此逆症也若週身稀疎又當別論

斷橋瘡圖論

一名兩截瘡○論云如橋之有樑而中間斷也



胸以上臍以下俱多惟中間一節絕無一粒名曰春水斷橋乃中氣不足之故也六日內急用人參歸芪湯

去白朮肉桂加蘇葉桔梗白芷厚朴防風木通黃豆水煎服七日外難治

人參歸芪湯

人參 黃芪

川芎

當歸

山查

紅花

白朮

肉桂

吳草

全氏治一兒瘡疔斷橋色淡而白皮薄而嫩幸而頗分顆粒余用人參黃芪當歸

川芎熟地沙參自六日服至八日瘡膿約有六分九日後漸漸收靨又用參

芪補氣芎歸養血調治十八日而愈用黃豆為引者以有形之豆補無形之瘡也

纏腰痘圖論



腰者腎之府也痘形如連珠環繞腰間者毒伏於腎也為最惡之候宜用解毒

涼血湯加元參大黃治之

四空痘圖論



痘初出時週身稠密獨手足不見一粒名曰四空脾氣為毒所滯也宜服瀉黃散治之

乘六日四空之痘搃由脾氣不足不能運於四肢也蓋脾主健運氣

不足失其健運之常而四肢之毒何由送出其兒必面肌瘦吐瀉頻
 頻痘色淡白而皮薄者以健脾湯治之若痘色紫紅滯脾毒感也
 以瀉黃散主之 全氏健脾湯 人參 玉米 蓮肉 炙草 防風

若虛而有熱去人參加陳蒼朮為引 全氏加味瀉黃散 桂枝

紅花 連壳 川羌 丹皮 荆芥 廣藿香 枝子 浮風

生石羔 灯心引

四寶痘圖論

附卷河痘

痘初出時週身不見一粒惟手足稠密無縫名為四寶



此痘毒聚於脾氣 不運化宜用加味 瀉黃散治之

卷阿痘論

小兒發熱後兩手心及掌上連聚六七顆脚尖有兩三粒其人吐
瀉煩燥名為卷阿痘是毒亦發於脾與前相同仍用加味瀉黃散

囊腹痘圖論 一名秦虎痘



腹近臍腑痘肯稀疎不宜稠密若
痘聚於腹盤結臍間名為囊腹瀆

防惡毒內攻速服升麻飲再服清

乘六日囊服^腹痘者毒結中州也日久

煎散可也

恐傷脾胃急用瀉黃散加大黃下之否則難救

升麻飲 升麻 蟬退 赤芍 當歸 牛子 桔梗 水煎服

清熱散 紫草 骨皮 蟬退 赤芍 黃連 打麻 牛子 木通 水煎服

鱗坐痘圖論



鱗坐者兩臂攢簇成片與魚鱗相似蓋因毒火太盛聚於至陰之地也若痘頂


平塌而乾滯者宜解毒涼血湯加牛夕治之若痘形板窳而紫滯且熱毒熾盛太甚者用解毒涼血湯加大黃下之外用玉紅膏封貼之
 全氏解毒涼血湯 連壳 紫草 生地 丹皮 紅花

山查 赤芍 芥穗 石羔 青皮 甘草 水煎服

玉紅膏 凡一切攢簇結毒之俱用此膏貼之
 紫草 紅花 雷歸 黃蚰 用香油半斤

先將藥炸焦去渣再下黃蚘攪勻以冷為度攤紙上貼患處

鎖肛瘡論圖



肛門者中氣通淺之關大腸之部位也瘡聚肛門大腸熱感所致宜服解毒涼血湯加大黃

精言論肛門為中氣通淺之關大腸之部位上與肺管相通者也而為

至陰之地為氣血之會故瘡疔鎖肛則中氣閉結而肺氣亦不能外透

則週身之瘡^痘將何所起脹乎攻伐之劑當以肺與大腸為主苦參

黃芩大黃滑石始終不可離也不然毒結大腸上竄則入於肺矣蓋肺與大腸相表裏未有下結而不鎖者也留心防之要使

繞取之痘膿漿潰溢肛門之前後左右絕無堅硬之處可也

囊毬痘圖論 附元墟痘



腎囊稠密名曰囊毬其痘最惡可治

者無二也百蓋腎囊乃腎之外候

關要之處也不可不慎急以解毒

湯治之亦死中求生之法耳

全氏解毒湯 連壳 荊芥 銀花 木通 牛子 赤芍

紅花 山查 丹皮 甘草 木煎服

元墟痘論 痘聚玉莖之上小腹脹滿小便赤澁名為元墟痘

乃心火太甚流入小便腹腸故也宜用導赤散治之

導赤散

生地

木通

甘草

灯心竹葉為引

抱膝痘圖論

無根痘圖論



痘出兩膝堆聚如餅名曰抱膝
毒聚於此恐漿難達於下矣宜
用解毒湯加牛夕治之

小兒發熱之後遍身盡出而脚底全無一粒名為無根猶草木之無
根而欲生活者難矣大抵此痘多不起脹而灌漿收靨多不循序
完全處必少破損處必多治之之法非大健建立中州發越脾胃氣不能下
達也宜服快疰越脾湯

快癩越脾湯 吳氏 桂枝 防風 生姜大棗引



乘六曰治法當於發表藥中少加桂枝
不必定用越脾湯 又曰足底皮厚所出

宜遲若足部過冷瘡亦難出外用芫荽酒時時洗之再用厚綿
色裹兩脚使其溫暖而瘡可自出若猶不出者當以無根瘡論然
週身之瘡稀疎圓滿者不拘也

蛇皮瘡圖論



發熱一日瘡已齊出狀如蛇皮其
色灰而不明亮此瘡必死不越八
九日間矣若頭面稀少根窠明潤

只腹脇上或手股間有此痘者縱皮肉壞爛尚可救藥以頭面有
好痘故也須服托裏解毒湯治之

托裏解毒湯 當歸 生地 黃芪 牛子 川芎 人參

痘種痘圖論



痘出稠密如吞佈種乃惡毒過盛逆症
也不必施治以免怨謗又全鑑云痘托

吞種逆服歸宗湯攻之使毒鬆痘起底可望生否則難救

歸宗湯 大黃 生地 赤芍 查 青皮 木通 芥穗 牛子 燈心

燕窩痘圖論

痘出攢簇稠密模糊形如燕窩不分顆粒其色紫滯乃毒氣血

熱毒盛之症也若單見齒重再見而不一者不治宜內服解毒涼血湯加翻白草外用胭脂膏帖之



鼠跡痘圖論

邦字治一晝年三歲用防風通聖散日夜三服而痘起改用解毒涼血湯而愈

鼠跡痘者痘形攢簇成片或四五粒相連或六七日粒相聚乃毒氣鬱結之故急以解毒涼血湯下之

全氏解毒涼血湯

連壳

紫草

生地炒酒

丹皮

紅花

小查

赤芍

芥穗

石羔

青皮

甘草

水煎服

全鑑用歸宗湯治之亦妙



叠钱痘圖論



痘出平伏不起顆粒不分圓圖圓

相聚如钱樣者色帶紫黑滯僅見

一二者猶可若多見者毒重此乃血熱毒氣鬱結所致也宜用
解毒涼血湯主之加翻白草

環珠痘圖論



痘名環珠者以痘出而圍繞形

若環珠也其痘連串環繞有腕

如鐲之繞者有項如圈之繞者在腕稍輕在項者重不特項腕

為然也即頭身亦有之此毒氣壅滯之所致宜服解毒涼血湯

蟹爪痘圖論



蕪沙痘圖論

附歪斜痘論

湯治之或用歸業湯



痘形連串稠密上濶下細形似蟹爪少者輕多者重治法與環珠痘同

其痘偏濶歪斜無頂無盤細小如沙攢簇成片略分顆粒者輕一片模糊者重宜用涼血解毒

歪斜痘 痘有歪斜大小不均或三角或四角或半個不齊不

尖不圓乃為異怪之痘雖明朗稀疎亦為不吉

痘母論

發熱時痘形未見或頭面胸背手足先有團聚成片堅硬紅腫似癰非癰名為痘母乃逆症也十發十死與後丹瘤不同若情不容已則用真人解毒湯治之

真人解毒湯

忍冬花

三兩

甘草

三兩

木通

防風

芥穗

各一

水酒各半煎服以腫消痘出為度

浮萍痘圖論

出痘之兒視之有形粒按之無形差次不齊色兼紫暗名曰紫背浮萍赤暗者名赤浮萍十發九死若情不容已用解毒涼血

湯加翻白草地疔治之



邦字治一疔瘰疔赤浮萍用金鑑
涼血攻毒飲加翻白草二劑色轉
紅活改用解毒涼血湯加銀花重
用山查石王調理十一日而愈

涼血攻毒飲

大黃

芥穗

木通

牛子

赤芍

生地

酒炒

青皮

蟬退

紫草

葛根

丹皮

紅花

灯心為引

血泡痘論

痘當起脹時忽有小泡夾痘而出漸漸長成如白菜大毒甚則
紫毒微則赤此乃毒在肺經傳於皮膚也宜用涼血解毒湯加

翻白草桃仁地疔治之。乘六日有因血熱而痘色變或紅

或紫當成膿時有膿之痘忽而轉為血泥俱屬血熱宜用涼血解毒湯治之

血痘論

其痘初出紅紫平如朱筆點於週身者是也。內根已腐外苗萎矣。六日必死不治。

紫泥痘論

紫泥痘者發熱後身上全無痘形。雖有小白泥。延至五六日變為紫血泥。樣大如白果。甚至梅李大者。此痘因在胎中曾受驚氣。只可挑破不用藥點。宜服解毒涼血湯之劑。其癩自乾。餘痘方出。

水泡痘論

起發灌漿時無痘之處出小白泡漸漸長大內含青水只宜挑破去其毒水又有痘已成膿忽化為水者應服升漿托裏散乘六日痘出八日形大皮薄內含青水者此水濕浸脾所致也宜用保元四苓湯破爛之處用芫荽酒調官粉敷之曾治一子痘至七日身發水泡漸至拳大上有皺紋皮薄而軟待至九日用四苓散大劑投之服至二劑泡俱乾貼而愈

升漿托裏散 人參 黃芪 當歸 防風 牛子 麥冬

川芎 白芷 保元四苓散 人參 黃芪 吳草

白朮 蒼苓 豬苓 澤瀉 姜枣引

芫荽酒 芫荽 罌 黃酒 半斤 同煮無洩氣候溫調官粉敷患處

舖紅痘論

痘出五六日血不歸盤一疔紅色或連肌膚盡紅者名為舖紅
痘乃氣虛不能統血也宜服九味神攻散若血泥而色紫滯者
乃火盛血熱急宜涼血退火使血附於痘便可生漿收靨矣解
毒涼血湯加生地黃汁翻白草治之 九味神攻散 紫草茸

人參 黃芪 紅花 前胡 牛好 白芍 生地 甘草 麥引

血絲痘論

發熱二三日遍身出痘紅圈間轉有紅絲相牽急用磁刺針挑
破內服托裏化毒湯則紅絲消斷而諸痘變轉為好痘矣

托裏化毒湯 人參 當歸 生地 丹皮 赤芍 連花 紫草

根窠無暈痘論

痘至灌膿時形雖圓滿皮薄而軟根下全無紅暈一疔白色此係氣血俱虛之候宜用芎歸保元湯方列於後

芎歸保元湯 人參 黃芪 炙草 當歸 川芎 元肉引

皮薄漿嫩痘論

痘當成膿時其漿清沒皮薄有皺根窠不紅氣血兩虛之症也

用益氣湯合四物湯治之或十全大補湯

益氣湯合四物湯 炙芪 人參 陳皮 當歸 升麻 川芎

柴胡 麩地 炙甘草 糯米百粒為引

十全大補湯 人參 炙芪 蒼苓 當歸 白朮 土炒紫油桂

白芍酒炒 熟地 川芎 炙草 煨姜引

空殼無漿痘論

一身空殼全無膿漿痘色淡白者血虛不能化毒而成漿也宜服千金內托散治之若痘根繁而色紫宜服加味四物湯或解毒涼血湯加翻白草鮮生地黃汁尤妙

千金內托散 人參 黃芪 炙草 肉桂 當歸 白芍 川芎

白芷 山查 厚朴 廣木香 防風 生薑引

加味四物湯 當歸 川芎 赤芍 生地 連花 紫草 水煎

痘頂痛陷論

痘根淡紅痘頂痛陷面白肌冷食少便澹乃氣虛也補中益氣

湯去白朮治之 補中益氣湯 黃芪君人參 陳皮 白朮

當歸 升麻 柴胡 炙草 生姜 大棗引

板黃痘論

痘灌膿時漿未得半忽然黃色突起乾燥堅硬名曰板黃此因
毒熱侵脾氣滯血凝所致也速服清毒活血湯

清毒活血湯 當歸 生地 紫草 黃芪 黃連 牛蒡子

連壳 桔梗 木通 灯心引

袁氏曰痘灌膿則漿升何有板黃乎不知粒不在乎厚薄而在
體之純固。珠不在乎大小而在體之明潤。痘漿不在乎飽滿而
在黃活。夫黃者中央土之正色也。漿本乎脾其黃而潤氣得其

衛而不逆。血養其榮而不傷。囊潤頂跖。膿漿灌注於中者。活動而不滯塞。明潤而無死色。烏有所謂板黃乎。若陰陽離其正氣。惡毒肆其殘虐。根窠薄劣。囊房夷委。膿漿灌注於中者。板臙牢固。色死而不活動。乾燥而不明潤。以手指拭之。凝結板實。五經痺而二氣離矣。此之謂板黃。若方廣天庭板黃。而餘者潤活。癰毒必結於腦項。腮臉板黃。而四體明潤。癰毒必發於肩胛。肚腹板黃。癰毒必發於曲池。三里。背脊板黃。癰毒必結於兩胛尻骨。遍身板黃者死。頭項前後板黃者死。眼眶唇上板黃者死。兩脇腎囊板黃者死。觀此而痘囊之膿固欲其先黃。而尤宜潤活也。若見板黃。須用清毒活血湯治之。倘得痘起。尚可望生。

清毒活血湯 當歸 白芍 酒炒 生地 紫草茸 酒洗 黃芩 人參

黃連 酒炒 牛子 山查 連壳 黃芪 生 桔梗 木通 灯心引

乾枯痘論

痘形乾枯不潤乃毒火入於血分也毒火煎灼陰血受傷宜用

加味當歸活血湯治之 方列於後 當歸 川芎 赤芍 紅花 紫草

黃芪 黃連 生地 大黃 水煎服

同腫痘不腫論

痘出稠密如蠶種然至五六月忽然面腫而痘若穀秕全不起發九日必死 曾治一子痘至六日面腫而痘故視之痘雖稠密而顆粒分明耳輪之痘亦稠却明潤光彩余曰猶有生机也

隨用鮮毒涼血湯大劑投之色轉紅活痘囊亦起調理六日而愈

白漿痘論

凡痘初起發時痘頂使帶白漿此疫癘之痘也至七日而死

逆痘論

其痘上身少而下身多是也或曰從下先見而後上出者是也

痘痘論

痘痘訣曰口不語眼不睜飲食不討終日困沉沉重者似牛
狂手足齊牽引早晨見好花午後花落盡便是狀元郎亦難保
生存

鬼疔痘論

痘穰未完或全無顆粒其癍成疔却如打傷之痕乃氣血兩離之症也名曰鬼疔痘六七日必死

九焦痘論

痘出正額地濶闊顴骨胸背耳輪手足等處皆有一二個黑陷或乾枯者名曰九焦痘不治

漏水痘論

痘有膿漿至成熟時痘頭有孔膿水漏出堆聚乾痂色如水泥瘡者更有不待養膿忽而自破漏出清水遂成乾黑者此皆痘癘之氣所傳染多難治救又有痘當起脹時痘上有小孔不黑不白名曰孔痘俗名漏底痘此乃表虛而腠理不密所致也元

氣大泄宜服保元湯 又曰孔痘元氣靈也若不大劑補之勢
必痒癢而死多在十一二日間也 保元湯 人參 芪 朮 草

水晶痘論

其痘色白明亮似水晶石者乃氣血兩虛之候也急宜大補參
歸鹿茸湯治之若皮薄甚者必至痒癢而死雖大補無益也

參歸鹿茸湯 人參 鹿茸 芪 朮 當歸身 芩 草 元肉

生姜為引煎成去渣入好酒一盃溫服

半邊痘論

其痘或左多而右少或右多而左少是也宜於應用藥中多加
蟬退左多用左右多用右頭面多用頭上身多用上截下身多

用下截三劑後即有起發但此瘡本屬逆症雖治恐難保痊

吳茱萸瘡論

瘡不甚起發中間有凹四邊皆有皺紋形似茱萸是也若根窠紅活者以內托散加防風白芷頂間發黑點者宜保元湯加川芎當歸身壯熱者加酒炒黃芩

內托散 人參 當歸 黃芪 川芎 炙草 白芍 山查

廣木香 防風 白芷 厚朴 生姜元肉為引

石凹瘡論

其瘡中間有凹四邊凸起光亮好看內板實而漿不化以手摸之其硬如石故為不治

木痘論

其痘中心微凹陷硬形如乾脯無膿無血是也。此因小兒肌膚多疫結聚成毒九日必死。

蟲痘論

凡夏月患痘恒多生虫。蓋因熱感則肉腐腐則生虫也。然亦有非夏月而痘中生蛆者。其痘甚痒。細看瘡頂有小小黑痕乃蛆頭也。此由毒留皮膚熱腐而化。猶草腐生螢木朽生虫之類。最為惡候。治以銀簪挑出蛆虫。或用桃枝葉鋪在地下。令兒臥上。其蛆自出。

增痘論

增者增出之謂也。自起脹灌漿結靨時皆有之。凡痘頭已破又復腫脹灌漿於無痘之處，又出一層小豆，是謂增痘，又名補空痘。此因正氣太旺而復驅邪於外也。痘雖屬險，得此猶生。

搗機痘論

即痂內生痘

其痘已靨其痂已落，從舊痂內又出一痘，不時成膿，其疼更甚。服藥調理保護，或免夭亡。若飲食不節，風寒不避，邪氣盛，胞囊破潰，爛肚腹漸脹，陰陽不分，死在旦夕也。若起於頭面者，須防陋井湧泉之患；起於背腹，必有蜂螫沉石之患；起於手足，不免有聲筆之懼；起於陽暵，預防囊爛之害。

王函云：天花結果，慶奇全，搗機歸門，痘倒顛，不是渠塘番洵浪。

便教關節結癰纏可不慎哉

乘六日痂內出痘者因痘前毒感未曾清解毒留於內未得盡出故落痂之後又出一次小痘其症最險當以解毒為主

釋疑 酒井者腮頰穿酒也湯泉者眼酒也蜂螫者遍身刺疼也沉石者皮內爛也

賊痘論

其痘初出如豇豆大過一日更如黃豆大色明而光頂亦微尖先起先脹至後根窠全無血色或如金之黃形如雞起脹按之虛軟急宜挑破則諸痘自長也更有痘色深紅嫩腫赤以手拭之皮軟而不碍手者此痘能盜週身之氣血而盡附之也此痘易

長易脹易膿故名賊瘡。比別瘡獨大其大甚速者是也。若過三日則必變成水泡。甚而則必變成紫泡。黑泡而漸漸堅硬成疔矣。乘六曰。放標之初其瘡即出較諸瘡獨光亮好看。根窠微硬。亦有根不顯破過一二日頂即微陷而色黃。把持衆瘡不得出名曰賊瘡。亦名報瘡。俗呼為探瘡。急用磁針挑破。出血則愈。但不可挑破瘡頂。必從四邊根脚刺四針。若根不硬者即刺一次。如刺一次而根猶硬者再刺之。以軟為度。若失時不刺。其瘡由白而變黃。由黃而變紫黑。成為瘡疔矣。

瘡疔論

瘡疔者熱毒蓄積氣血腐壞也而成也。狀有數種。乃疫毒之氣

最為惡候宜謹察之心疔赤色起於額^骨胸乳之處肝疔色紫起於左太陽左脇眼胞兩脣等處脾疔色先黃後黑起於腮頰中庭口角肚腹手足之處肺疔先灰後黑起於右太陽右脇頭項喉突之處腎疔色黑起於地閣後頸耳竅背膂腰脊陽莖之處不拘何疔俱用磁針砭之外用四聖膏敷之

四聖膏

菜豆

四十粒 豌豆

四十粒 珍珠

一不 髮灰

一不 去淨

上藥將菜豆豌豆

俱炒黑色共為細末以綿胭脂水和成膏貼砭破之處

捲簾疔論

袁氏云瘡出五六月舌向上捲喉鎖煩渴緊痛飲食難進不知

者妄用刀割舌下青筋淡時致死豈知瘡疔結於舌根也

一云舌上
一云舌下

疔甚者如黑豆次者似葡萄犯此症候要着銀鈎鈎破患處去
盡惡血再以龍宮丹吹之 歌曰甫仙妙製龍宮丹冰片珊瑚
青黛間薄荷荆芥姜蚕炒還菟黃連法製全按合研勻為細面
慢吹喉內捲簾翻 玉全壇曰按此瘡疔人多不曉誤殺兒童
甚多是毒發於心証急宜清毒熱解辨熱為主而溫補之藥折不可
入口或有用蛤蜊汁和玉露滴者亦可

燕窩疔論

袁氏曰瘡至五六日腋下硬腫兩手支撐不能活動轉舒煩燥
謔語眼碧臉赤大渴吐沫不知者以為結癰而然也豈知瘡毒
結於腋下名曰燕窩疔急用銀針挑去其根除盡惡血隨用小

燕菜打水澄清洗淨而以珍珠末和油胭脂塗其患處內服消
毒飲 歌曰燕窩疔用燕窩除桃破取窩澄去沅洗淨盡除其
毒血油胭脂和米珍珠塗抹其中時刻轉管教毒瘡盡成功

王金壇曰余每詳察此瘡左腋結則右體之瘡沉伏而失色右
腋結則左體之瘡變逆而無光。是定格也。若謂疔在左則左體
之瘡壞誤矣。一方以玳瑁和核桃肉吞者漸效而終無益。不
如消毒飲之穩且妙也。

消毒飲 牛子 木通 茯苓 生地 紅花 犀角磨 白芍 連花 甘草 燈心引

火珠疔論

袁氏曰瘡值六七日而鼻內闌塞氣急噴火大便艱難煩渴不

食面赤眼紅。痃涎壅盛。身如火烙。名曰火珠疔。外用銀針鈎破。再用黃連膏和米疔。點入眼角。再服瀉金湯。則愈。

歌曰：鼻中闌塞火珠疔，外要鈎破穿眼上。行黃連膏和梅花

疔，點滴眼角左右縫。再服瀉金湯二劑，自然毒盡得安寧。

瀉金湯歌：烏犀角、桔梗、牛子、行芍藥、草梢、伏火清、生地、紅花。

通紫草。合煎服後，自消疔。王金壇曰：按此痘疔，人昧以為

肉息闌塞，不知挑破，屢致枉死。治者宜驗其眼珠翻，既急手足
亂撒，是其候也。或以田螺水滴入眼內，亦善。

妄汲疔論

袁氏曰：痘值六七日，兩眼沿邊淡然結生疔毒，眼封腫脹，身起

煩渴面帶紫色則以治鼻疔之法治之。挑破患處急以瓦松搗爛置患處封好。然此處決不可鉤穿也。歌曰：眼沿生疔眼易

瞎，自有仙家神妙法。瓦松細搗合封牢，莫教風襲漸結痂。昔穆氏治此疔，專用山慈姑和蟻螂合上，取出疔根亦捷法也。

秦虎疔論

素氏曰：痘症期裏正安潰膿結痂而耳內忽結成疔，乃腎毒湊

會

孔

結於此者，誠恐毒火爰熾而癸元耗竭，急宜挑破。外以鴛管石女貞子薄荷虫為細面吹於患處，再以馬蘭根洗淨，寸斷塞入耳中。歌曰：秦虎由來兩耳中，少陽臨症治吹筒。鴛管石和女貞子薄荷三味並相攻，再將馬蘭根洗淨隨將寸斷塞耳中。

不須時到能回挽自然疔裏見奇功

注命疔論

袁氏曰痘症期裏兩足掌心痘毒湊結成疔硬腫疼痛或如錢樣或如大黑豆或如胡椒顆兩紫筋直透足股者其毒甚矣連除其根出盡惡血再用田螺水和冰片點三四次菜豆水浸脹搗爛合於患處內服化毒丹歌曰注命疔用化毒丹乳油去

沒藥去不赤芍不妍珍珠下母貝下天花粉去冰片不牛黃下

及雄連去再合甘草下殊妙衣蜜丸服下可保全

王全壇曰俗人多以足下疔不加注意豈知痘疔雖生在身下而

氣毒通於上也竟犯心脾二經時到不可緩也故曰注命

驪含疔論

袁氏曰。痘值五六日。身發大熱。煩燥譫語。肚腹膨脹。小便閉塞。叫號不寧。蓋因毒聚膀胱。而於陽莖竅裏。湊結成疔。名曰驪含疔。痘疔結此項。刻即死。急用銀珠冰片。蟾酥牛黃寸香。研成極細面。再將黃連細茶。濃煎候冷。取半匙調藥面。以細軟榴心蘸藥通納竅中。再用油菜籽研面敷陽莖上。內服木通敗毒散。歌曰。尿竅不通名驪含。須服木通敗毒散。剗防翹通牛滑薄。灯心赤芍草車前。又一治法。用細銀絲通其竅內。以清水將口漱淨。吸之。必盡其血。毒再用珍珠冰片調服。

透腸疔論

袁氏曰瘡至六七日腹中飽悶絞疼難忍大便閉結口乾煩渴
遂於肛門旁邊結成疔毒腫硬色紫名曰透腸疔乃毒徹於陽
明故耳速針以瀉其毒再用銀花防風煎湯候冷洗淨再將珍
珠輕粉冰片白歛末灯心蘸灯心塗於上內服黃連解毒湯。

歌曰透腸毒疔命將傾始得全時漏必成輕粉珍珠冰片
分量等分無重輕再將白歛研為末澄過乾時後併行灯心
蘸塗有奇效縱至潰爛亦收功。

黃連解毒湯

黃連

黃柏

黃芩

梔子

不用引

王全壇曰此瘡有用芋根搥爛盒者有用桑枝梢搥爛和寸香
敷者俱有功效。搥不如野萊豆和紅花不乾撒為佳。

認疔治疔法

乘六日疔有數種。有賊痘失利久而成疔者。其形中心黑陷根脚發腫而硬者是也。有穿痘疔。痘出五六日間。痘顆根帶紫色如紫線圍根一般。根頭結硬。漸至通痘皆黑而陷者是也。若失時不治。此疔一發。祀持諸痘不能灌漿。必至痒痛而死。若出在下部及四肢者。猶有生機。出在^上部而全活者甚少。有回頭疔。痘至靨時。痘根色紫。根亦顯硬。由紫而黑。由黑而陷者是也。有痘因抓破成坑者。即變乾黑強硬。四邊亦破硬。名曰回頭疔。又有痘已結靨。在無痘之處。發出一粒。形如白豆大。或如指頭大。其色^灰黑。按之却軟。形與皮平。不高不腫。如紫癩之狀。亦為回頭

預疔。又有痘多水泡皮薄不痂而抓破成坑其中不黑而有紅
白之色四邊亦硬不顯長勢者名曰連肉疔。此疔比別疔微輕。
又有魚目疔其疔形圓而深有寸許者根之四邊亦硬。獨此疔
甚重。然不拘何疔治法相同。俱用磁針刺破四邊以出惡血。少
則一次多則兩次。但不可常刺恐愈刺而愈大也。以起疔藥敷
患處封貼藥貼之內服解疔湯敷藥後而疔內有水者易治。乾
燥者難療。起去腐肉疔內出膿者毒乃解也。急用膏藥貼之。凡
痘忽然發暗反血分大熱而有鬱毒之意。並將靨時痘根微有
紫象者。即用解毒湯治之。庶免疔毒之患。若疔毒已成形挑去
一粒復出數粒及生生不已者多難救。治^按痘疔之說前賢只言

治法而未及形色後學難以變認故有治痘至老而認痘之
真者許多余將祖師所傳及己將所經驗詳附於此以備參考
治疗驗方亦錄於後 三聖丹 炕豆四十九粒珍珠下共研極細面
猪牙槽骨内油調成羹敷患處 懸蹄散 猪懸蹄甲炙黃研
為細面瀏蠟油調和敷之 以上二方皆起疔之妙藥也

六聖散 痘後餘毒成疔痘前痘疔毒並皆治之 蜜陀僧五

兕茶 髮灰 沒藥 珍珠各紅粉少許以上六味共研細面

撒疔者上萬應貼之起疔去腐生膿長肉若瘡深者將藥製成

藥錠挿入瘡内更妙

千槌膏 起疔雄黃一个生巴豆四个二味研在一處入乳香沒藥末

少許油。攘核桃半個。只搥成羔。敷患處。

拔疔膏 馬齒莧。瘡中生疔。搥爛敷之。不數日。拔出黑疔。大如

螺壳。屢試屢驗。切忌挖割。誤事。

全氏解疔湯 翻白草 地丁 歸尾 連壳 鮮生地 紅花

丹皮 桃仁 荊芥穗 赤芍 枝子炒 銀花 甘草 水煎

大紅粉 敷一切瘡瘍。有毒起毒。無毒長肌。並治一切疔毒。神

效。火硝七分 白凡二分 水銀一兩 硃砂一分 輕粉一分 作一爐。爐上

反放一鉄鑊。鑊圈上留數孔。使火氣從鑊下四邊透。出將白

凡磬攤在鑊上。火硝攤在磬上。作數坑。將水銀傾入數坑內。水

銀上攤。撒硃砂。硃砂上攤。撒輕粉。用無花白磁碗蓋住。鹽泥

封固以木炭火入炉内打三柱香特第一炉香用文火碗内
必有風聲待風止後漸漸加火第二柱香將盡用武火三柱
香完候碗冷足後取碗碗底上便是靈藥將藥取下研細以
無聲為度再用磁瓶封固聽用